



Til
Kopi til:

Saksbehandlar: Rådmann/Åse Elin Myking
Vår referanse: 18/677 - 19/3031
Dato: 01.04.2019

Emne: Meldingssak til kommunestyret 08.04.2019

Vedtak i kommunestyresak 40/2018: «Vaksdal kommune ser behovet for meir interkommunalt samarbeid og vil delta i felles utgreiing om samarbeid med kommunar i Nordhordland. Kommunestyret ber om å bli orientert om framdrifta i arbeidet. Ein føreset at saka vert drøfta med arbeidstakarorganisasjonane, og at informasjon og medbestemmelse vert ivareteke».

I samsvar med vedtak 40/2018 deltek Vaksdal kommune i utgreiingar om samarbeid med kommunane i NH som ikkje skal slå seg saman og Gulen. Alver-kommunane deltar ikkje, men vert orientert om arbeidet. Arbeidstittel er «Randkommunane». Rådmenna i desse kommunane har ansvaret for utgreiinga.

Vedtak i kommunestyresak 12/2019: «Vaksdal kommunestyre ser positivt på å få utgreidd eit utvida samarbeid om oppgåver, men vil presisera at for Vaksdal kommune gjeld:

1. Dette samarbeidet skal sikra tryggleiken for at oppgåvene vert løyste i samtlege kommunar ved t.d. sjukefråver og liknade.
2. Den enkelte arbeidstakar skal ha sin arbeidsplass i den kommunen vedkomande arbeider i, i tråd med tilsetjingsvilkåra.
3. Arbeidsgjevaransvaret for våre tilsette no og i framtida skal liggja til Vaksdal kommune.
4. Aldri skal organiserast som eit oppgåvefelleskap etter §19.1 i ny kommunelov, vertskommunesamarbeid eller eit interkommunalt selskap (IKS)

Det er eit mål for kommunestyret å ta vare på og vidareutvikla kompetansen til dei som allereie er tilsette i Vaksdal kommune, slik at dei vert lengst mogleg i arbeid. Kommunestyret tek endeleg avgjerd om Vaksdal kommune skal gå inn i samarbeidet eller ikkje, når alle sider ved saka er ferdig utgreidd.

Vidare ber kommunestyret rådmannen følgja opp pålegget frå kommunestyret om drøfta saka med dei tillitsvalde, og leggja fram alle aktuelle dokument i saka inkludert rapport frå forprosjektet. Kommunestyret ber rådmannen presentere alle prosjekt administrasjonen deltek i regionsamarbeidet til neste møte, herunder mandat og mål, og legge fram referat frå rådmannsforum og regionråd som meldingssaker til kommunestyret frå og med 1.januar 2019.

Vaksdal deltar så langt i utgreiingar av moglege samarbeid om administrative funksjonar innan økonomifunksjoner, arkivforvaltning og sentralbord/servicesenter. Jf. orienteringssak i kommunestyret 04.03.2019. Mandat for utgreiingane er vedlagt.

Utgreiinga om økonomifuksjonane har kome lengst, her er den første kartlegginga gjennomført. Den viser eit potensiale for interkommunalt samarbeid mellom kommunene. I møte 08.03.19 gikk rådmannsutvalet inn for å starte med å sikre implementering av alle modular i økonomi- og lønns- og personalsystemet og lage felles rutiner for systemene. Kommunane deler på kostnaden med å få dette til. Vidare utgreiing av mogeleg interkommunalt samarbeid vert utsett til dette arbeidet er fullført. Ved behov for vikartenester eller anna bistand som kommunane ikkje kan dekke sjølv, vil kommunane kjøpe tenester eksternt som tidlegare.

Referat frå rådmannsmøtene ligg ved. For protokollar frå regionrådet i Nordhordland vert det vist til nettsidene <http://www.nordhordland.net/>. Vaksdal er ikkje medlem i Regionrådet Nordhordland.

Arbeidet med arkivforvaltning og sentralbord/servicesenter er i kartleggingsfasen.

Utover «randkommune-samarbeidet» deltek Vaksdal i interkommunalt samarbeid med Nordhordland om drift og utvikling IKT/digitalisering og kart/geodata i Nordhordland Digitalt. Desse samarbeida må tilpassast ny kommunelov.

Om interkommunalt samarbeid i ny kommunelov.

Lovfester adgang til interkommunalt samarbeid.

Samarbeidet skal foregå på en av de måter som er listet opp i bestemmelsen:

- Interkommunalt politisk råd (regionråd)
- Kommunalt oppgavefellesskap
- Vertskommunesamarbeid
- Interkommunalt selskap (IKS)
- Aksjeselskap (AS)
- Samvirkeforetak, forening
- «eller på annen måte som det er rettslig adgang til»

Loven trer i kraft for ny valgperiode (hausten 2019)

Dagens interkommunale samarbeid må tilpassast ny kommunelov.

Vedlagt presentasjon frå dagskurs i regi av KS/KMD om interkommunalt samarbeid

Fleire presentasjoner om ny kommunelov på:

<https://www.ks.no/fagomrader/demokrati-og-styring/kommuneloven/informasjon-om-ny-kommunelov/>

Med helsing

Åse Elin Myking
Konst. rådmann